

World Missionary Press

Rruga Për Tek Zoti - Albanian



E drejta e autorit, 1995 nga Rose Stair Goodman. Illustrimi i kapakut: Edwin B. Wallace. Nga Meryl Esenwein: ilustrimi i mësipërm dhe ato të faqeve 10, 12, 14, 16, 27, 29, 39, 41, 42, 44, 46, 47 dhe 48. Bibla-Diodati i Ri.

Copyright 1995 The Albanian Bible Society. Used by permission.

ZOTI KRIJOI BOTËN DHE TE GJITHA QENIET E GJALLA — 1

Në fillim Perëndia krijoi qiejt dhe tokën. —Zanafilla 1:1

Sepse në të u krijuan të gjitha gjërat, ato që janë në qiejt dhe ato mbi dhe.... —Kolosianëve 1:16

Qofshin të bekuar nga Zoti, që ka bërë qiejtë dhe tokën. Qiejtë janë qiejtë e Zotit, por tokën ai ua ka dhënë bijve të njerëzve. —Psalmeve 115:15, 16

Toka ishte e përsosur kur Zoti ia dha njeriut. Lexo këtë broshurë dhe do të zbulosh se çfarë ndodhi.

ZOTI NA KRIJOI NE — 2



Pastaj Perëndia tha: "Ta bëjmë njeriun sipas shëmbëlltyrës sonë dhe në ngjasim me ne, dhe të ushtrojë sundimin [pushtetin] e tij...mbi gjithë tokën...."
—Zanafilla 1:26

NJERIU U BË NJË SHPIRT ME JETË — 3

Atëherë Zoti Perëndi formoi njeriun nga pluhuri i tokës, i fryu në vrimat e hundës një frymë jete, dhe njeriu u bë një qenie e gjallë. —Zanafilla 2:7

Pastaj Zoti Perëndi tha: "Nuk është mirë që njeriu të jetë vetëm; unë do t'i bëj një ndihmës...."
Atëherë Zoti Perëndi e futi në një gjumë të thellë njeriun, të cilin e zuri gjumi; dhe mori një nga

brinjët e tij dhe e mbylli mishin në atë vend. Pastaj Zoti Perëndi me brinjën që i kishte hequr njeriut formoi një grua dhe e çoi te njeriu. —Zanafilla 2:18, 21, 22

Shpirt me jetë do të thotë se ne do të jemi diku përgjithmonë.

ADAMI DHE EVA NUK IU BINDËN ZOTIT — 4, 5



Ne nuk duhet ta dëgjojmë kurrë zërin e Satanit.

ZOTI Perëndi e mori pra njeriun dhe e futi në kopshtin e Edenit, me qëllim që ta punonte dhe ta ruante. Dhe Zoti Perëndi e urdhëroi njeriun duke i thënë: "Ha bile lirisht nga çdo pemë e kopshtit; por mos ha nga pema e njohjes të së mirës dhe të së keqes, sepse ditën që do të hash prej saj ke për të vdekur me siguri". —Zanafilla 2:15-17

GJARPRI, GJITHASHTU I QUAJTUR DJALLI OSE SATANI DISKUTOI AUTORITETIN E ZOTIT DHE GËNJEU.

Atëherë gjarpri i tha gruas: "Ju s'keni për të vdekur aspak." Dhe gruaja pa që pema ishte e mirë për t'u ngrënë, që ishte e këndshme për sytë dhe që pema ishte e dëshirueshme për ta bërë të zgjuar dikë; dhe ajo mori...e hëngri dhe i dha edhe burrit të saj...dhe hëngri edhe ai. —Zanafilla 3:4, 6

ADAMI DHE EVA S'MUND TË QËNDRONIN MË NË KOPSHT — 6



...Zoti Perëndi e dëboi njeriun nga kopshti i Edenit, me qëllim, që të punonte tokën nga e cila kishte dalë.... Ai...vendosi...kerubinët që vërtisnin nga çdo anë një shpatë flakëruese për të ruajtur rrugën e pemës së jetës. —Zanafilla 3:23, 24

DITA KUR ADAMI DHE EVA MËKATUAN ISHTE — 7 E TRISHTUESHME PËR RACËN NJERËZORE

...Ashtu si me anë të një njeriu të vetëm mëkati hyri në botë dhe me anë të mëkatis vdekja, po ashtu vdekja u shtri tek të gjithë njerëzit.... —Romakëve 5:12

Diçka që nuk duhet harruar

Çdo njeri lind me natyrë mëkatore dhe një ditë do të vdesë sepse vdekja erdhi nga mëkati. (Lexo përsëri Romakëve 5:12.)



PLANI I ZOTIT PËR TË NA SHPËTUAR NGA MËKATI ISHTE DËRGIMI I BIRIT TË TIJ TË VETËM — 8

Për të hyrë tek njerëzit, Biri i Perëndisë erdhi si një foshnjë.



"Dhe ajo do të lindë një Djalë dhe ti do t'i vësh emrin Jezus, sepse Ai do të shpëtojë popullin e Tij nga mëkatet e tyre". —Mateu 1:21

Sepse tek Ai [Krishti Jezus] banon trupërisht gjithë plotësia e Hyjnisë. —Kolosianëve 2:9

JEZUSI ËSHTË ZOTI NË FORMËN NJERËZORE — 9

Në fillim ishte Fjala dhe Fjala ishte pranë Perëndisë, dhe Fjala ishte Perëndi. Dhe Fjala u bë mish dhe banoi ndër ne.... —Gjoni 1:1, 14

E gjithë kjo ndodhi që të përmbushej fjala e Zotit...: "Ja, virgjëresha do të mbetet shtatzënë dhe do të lindë një djalë, të cilit do t'i venë emrin Emanuel, që do të thotë: "Zoti me ne"". —Mateu 1:22, 23

Sepse na ka lindur një fëmijë, një djalë na është dhënë. Mbi supet e tij do të mbështetet perandoria dhe do të quhet Këshilltar i admirueshëm, Perëndi i fuqishëm, Atë i përjetshëm, Princ i paqes. —Isaia 9:5

JEZU KRISHTI FLIJIMI YNË I PËRKRYER — 10

...Ai nuk njihnte mëkat.... —2 Korintasve 5:21

Ai nuk bëri asnjë mëkat.... —1 Pjetrit 2:22

Asnjë flijim që njeriu mundi të bënte nuk ishte aq i PËRKRYER sa të shlyente mëkatin.

Sepse është e pamundur që gjaku i demave dhe i cjepve të heqë mëkatet. —Hebrenjve 10:4



Jezusi është qengji i Perëndisë. "Ja, Qengji i Perëndisë, që heq mëkatin e botës!" —Gjoni 1:29b

JEZUSI U FLIJUA PËR TË NA SHPËTUAR NE — 11, 12

Jezusi u kryqëzua në një kryq prej druri sepse njerëzit mizorë e urrenin Atë. Por vdekja e tij ishte planifikuar nga Zoti. Jezusi me vullnetin e tij u flijua për t'ju shpëtuar ju dhe mua nga mëkatet tona. Jezusi tha: "Askush nuk mund të ma heqë, por e lë nga vetja; unë kam pushtet ta lë e pushtet ta marr përsëri...." —Gjoni 10:18


NE JEMI SHPENGUAR NGA GJAKU I QENGJIT TË ZOTIT

...Ju jeni shpenguar [riblerë] jo me anë gjërash që prishen, si argjendi ose ari,...por nga gjaku i çmuar i Krishtit, si të Qengjit pa të metë dhe pa njollë. —1 Pjetrit 1:18, 19

ASNJE FLIJIM TJETER S'MUND TA SHLYEJ MËKATIN

...Ne jemi shenjtëruar me anë të kushtimit të trupit të Jezu Krishtit, që u bë një herë për të gjithë.
—Hebrenjve 10:10

...Duke qenë tani të shfajësuar në gjakun e tij, do të shpëtojmë nga zemërimi me anë të Tij.
—Romakëve 5:9



Kur ende ishim mëkatarë [të pabindur ndaj Perëndisë], Krishti vdiq për ne. —Romakëve 5:8

KUSHDO QË BESON NË BIRIN E PERËNDISË — 13 DO TË KETË JETË TË PËRJETSHME

Sepse Perëndia e deshi aq botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetë të përjetshme. —Gjoni 3:16

Ai na nxori nga pushteti i errësirës dhe na çoi në mbretërinë e Birit të tij të dashur, në të cilën ne kemi *shpengimin me anë të gjakut të tij dhe faljen e mëkateve. —Kolosianëve 1:13, 14

*Shpengim do të thotë se ne u riblemë.



AI U RINGJALL! — 14

Por engjëlli, duke iu drejtuar grave, u tha atyre: "Mos kini frikë, sepse unë e di se ju kërkoni Jezusin, që u kryqëzua. Ai nuk është këtu, sepse u ringjall, sikurse kishte thënë; ejani, shikoni vendin ku qe vënë Zoti". —Mateu 28:5, 6

JEZUSI U RINGJALL NGA TË VDEKURIT — 15


"Jam i gjalli; isha i vdekur, por ja, jam i gjallë në shekuj të shekujve, amen; dhe unë i kam çelësat e vdekjes e të Hadesit [Ferrit]". —Zbulesa 1:18 "

...Sepse unë jetoj, edhe ju do të jetoni". —Gjoni 14:19

Ne s'kemi më pse t'i trembemi vdekjes sepse Krishti e ka mposhtur vdekjen dhe ka pushtet mbi vdekjen. Kur të kem frikë, do të mbështetem te ti. —Psalmeve 56:3 (Shikoni faqen 46 për premtimet e Zotit.)

JEZUSI MUND T'JU SHPËTOJË JU DHE PO LUTET PËR JU Kurse ai, mbasi qëndron për jetë të jetës,...mund të shpëtojë plotësisht ata që me anë të tij i afrohen Perëndisë, sepse gjithmonë rron që të ndërmjetësojë për ta. —Hebrenjve 7:24, 25

JU DHE UNE MUND TE KEMI JETË TË PËRJETSHME — 16



Cilën rrugë po merr TI?

Jezu Krishti është RRUGA për JETË të përjetshme me Perëndinë.

Djalli ose Satani është rruga drejt VDEKJES së përjetshme.

Ky djalë bën zgjedhjen e drejtë për në jetën e përjetshme.

CILËN ZGJEDHJE DO TË BËNIT JU? — 17

"...Zgjidhni sot kujt doni t'i shërbeni...." —Jozueut 24:15

"...Zgjidh, pra, jetën që të mund të jetoni ti dhe pasardhësit e tu". —Ligji i Përtërirë 30:19

JEZUSI ËSHTË RRUGA PËR NË JETËN E PËRJETSHME

"Dhe në asnjë tjetër nuk ka shpëtim, sepse nuk ka asnjë emër tjetër nën qiell që u është dhënë njerëzve dhe me anë të të cilit duhet të shpëtohemi". —Veprat 4:12

"Unë, unë jam Zoti dhe përveç meje nuk ka Shpëtimtar tjetër". —Isaia 43:11

PSE DUHET TË ZGJEDHIM JEZUSIN NËSE — 18- 21 DUAM JETË TË PËRJETSHME?



1. Ishte Krishti ai që erdhi. "...Unë kam ardhur që të kenë jetë...." —Gjoni 10:10 2. Është Krishti që na deshi dhe vdiq për ne.

...Biri i Perëndisë...më deshi dhe dha veten për mua. —Galatasve 2:20

Jezusi u bë njeri i gjallë si jemi ne, "që të shkatërronte, me anë të vdekjes, atë që ka pushtetin e vdekjes, domethënë djallin, edhe të çlironte të gjithë ata që nga frika e vdekjes i ishin nënshtruar robërisë për tërë jetën." —Hebrenjve 2:14, 15

3. Vetëm gjaku i Krishtit është ilaç për mëkatet tona. ...Është gjaku që bën shlyerjen e fajit për jetën. —Levitiku 17:11

...Gjaku i Jezu Krishtit, Birit të Tij, na pastron nga çdo mëkat. —1 Gjonit 1:7

Në të cilën ne kemi shpengimin [shpëtimin] me anë të gjakut të tij dhe faljen e mëkateve. —Kolosianëve 1:14

4. Krishti është ai që u ringjall nga të vdekurit.

Duke ditur se Krishti, që u ringjall prej së vdekurish, nuk vdes më; vdekja s'ka më pushtet mbi të. —Romakëve 6:9

Dhe ai ka vdekur për të gjithë, me qëllim që ata të cilët jetojnë, të mos jetojnë që sot e tutje për veten e tyre, po për atë që vdiq dhe u ringjall për ta. —2 Korintasve 5:15

Jezusi tha: "...Sepse unë jetoj, edhe ju do të jetoni". —Gjoni 14:19

5. Ne duhet të kemi Frymën e Krishtit brenda nesh që të bëjmë jetë të përjetshme. Krishti në ju, shpresë lavdie. —Kolosianëve 1:27c

Dhe në qoftë se Fryma i atij që ringjalli Krishtin prej së vdekurish banon në ju, ai që e ringjalli Krishtin prej së vdekurish do t'u japë jetë edhe trupave tuaj vdekatarë me anë të Frymës së Tij që banon në ju. —Romakëve 8:11

SIGUROHUNI NËSE SHPIRTI I KRISHTIT JETON BRENDË JUSH

...Në qoftë se ndokush nuk ka Frymën e Krishtit, ai nuk i përket atij. —Romakëve 8:9



SI MUND TA GJENI JETËN E PËRJETSHME — 22

Ndiqni rrjeshtat udhëzuese që fillojnë në faqen 24.

Edhe fëmija njihet nga veprimet e tij. —Fjalët e urta 20:11

"Jezusi më do mua, këtë unë e di pasi Bibla më thotë kështu".


JEZUSI I DO TË GJITHË FËMIJËT — 23

Atëherë Jezusi i thirri fëmijët pranë vetes dhe tha: "I lini fëmijët e vegjël të vijnë tek unë dhe mos i pengoni, sepse e tyre është mbretëria e Perëndisë". —Luka 18:16

"Kështu është dëshira e Atit tuaj që është në qiej, që asnjë nga këta të vegjël të mos humbasë". —Mateu 18:14

Pavarësisht se kush jeni apo ku banoni, Jezusi ju do ju dhe vdiq për ju; Jezusi do që edhe ju ta doni. Ju mund ta tregoni dashurinë tuaj për Jezusin duke iu bindur Atij. "Nëse më doni, zbatoni urdhërimet e mia". —Gjoni 14:15

SI TA GJENI RRUGËN TUAJ PËR TEK ZOTI — 24 - 28



1. Pranojeni që jeni mëkatarë (që nuk i jeni bindur Zotit). Sepse të gjithë mëkatuan dhe u privuan nga lavdia e Perëndisë. —Romakëve 3:23

2. Ejani tek Perëndia nëpërmjet Jezu Krishtit. Në fakt një është Perëndia, dhe një i vetëm është ndërmjetësi midis Perëndisë dhe njerëzve: Krishti Jezus njeri. —1 Timoteut 2:5

Prandaj edhe ai [Jezusi] mund të shpëtojë...ata që me anë të tij i afrohen

Perëndisë.... —Hebrenjve 7:25

Jezusi tha: "...Atë që vjen tek unë, unë nuk do ta nxjerr jashtë kurrë". —Gjoni 6:37

3. Pendohuni për mëkatet tuaja. (Të pendoheni do të thotë t'ju vijë aq keq sa të hiqni dorë nga mëkatet.) "Pendohuni, pra, dhe kthehuni, që të shlyhen mëkatet tuaja...." —Veprat 3:19

Zoti...është i durueshëm ndaj nesh, sepse nuk do që ndokush të humbasë, por që të gjithë të vijnë në pendim. —2 Pjetrit 3:9

4. Rrëfejini mëkatet tuaja para Jezusit. (Të rrëfeni do të thotë të tregoni apo pranoni.)

Po t'i rrëfejme mëkatet tona, ai është besnik dhe i drejtë që të na falë mëkatet.... —1 Gjoni 1:9

Në rrjeshtat e mëposhtëm shkruani ose shtypni vargjet nga letra 1 Gjoni 1:9 që ndodhen në duart që luten në faqen 25.

5. Braktisni mëkatet tuaja. (Braktisni do të thotë hiqni dorë.)

Kush i fsheh shkeljet e tij nuk do të ketë mbarësi; por ai që i rrëfen dhe i braktis ato, ka për të fituar mëshirën. —Fjalët e urta 28:13

Largohu nga e keqja dhe bëj të mirën.... —Psalmeve 37:27

Ju në fakt, jeni të shpëtuar me anë të hirit, nëpërmjet besimit, dhe kjo...është dhurata e Perëndisë. Efesianëve 2:8



6. Beso tek Jezu Krishti.

...Po të rrëfesh me gojën tënde Zotin Jezus, dhe po të besosh në zemrën tënde se Perëndia e ngjalli prej së vdekurish, do të shpëtohesh.

—Romakëve 10:9

..."Beso në Zotin Jezu Krisht dhe do të shpëtohesh ti dhe shtëpia jote".

—Veprat 16:31

7. Pranoje Jezu Krishtin në zemrën dhe jetën tënde. Vetëm ti mund ta hapësh derën e zemrës tënde dhe të ftosh Jezusin të hyjë brenda. Jezusi tha: "Ja, unë qëndroj te dera dhe trokas; nëse dikush dëgjon zërin tim dhe të hapë derën, unë do të hyj tek ai, dhe do të ha darkë me të dhe ai me mua". —Zbulesa 3:20

Por të gjithë atyre që e pranuan, ai u dha pushtetin të bëhen bij të Perëndisë,



UDHËRRËFYES LUTJESH — 29



Në se ju nuk jeni lutur më parë dhe keni nevojë për ndihmë për t'u lutur, ju mund të ndiqni lutjen e mëposhtme si udhëzues:

I dashur Zoti Jezus! Të falenderoj Ty që vdiqe mbi kryq për të shlyer mëkatet e mia. Më vjen keq për të gjitha të këqijat që kam bërë. Të lutem hyr në zemrën time dhe jeto përgjithmonë atje. Unë besoj pikërisht tani se do të më pastrosh shpirtin. Unë të konsideroj ty si të vetmin shpëtimtar dhe Zot për mua. Në emër të Jezusit, Amen.

ME JEZUSIN NË ZEMRËN TËNDE TI JE I SHPËTUAR — 30

...Perëndia na dha jetën e përjetshme dhe kjo jetë është në Birin e tij. Ai që ka Birin, ka jetën....
—1 Gjonit 5:11, 12

"...Ai që e dëgjon fjalën time dhe beson në atë që më ka dërguar,...ka kaluar nga vdekja në jetë".
—Gjoni 5:24

Kur trupi juaj vdes, ju banoni tek Zoti (2 Korintasve 5:8).

...Krishti në ju, shpresë lavdie. —Kolosianëve 1:27

Në se ju i jeni lutur Jezusit t'ua falë mëkatet tuaja dhe i besoni Jezu Krishtit si Shpëtimtarit tuaj, shkruani emrin tuaj më poshtë:

SI TË VAZHDONI TË NDIQNI RRUGËN E JEZUSIT — 31



Lexoni vargje nga Bibla (Fjala e Perëndisë) çdo ditë dhe I fshihni ato në zemrën tuaj duke përsëritur vargje të veçanta që ju ndihmojnë. (Shumë prej tyre janë në këtë libër të vogël.)

I gjithë Shkrimi është i frymëzuar nga Perëndia dhe i dobishëm për mësim, bindje, ndreqje dhe për edukim me drejtësi. —2 Timoteut 3:16

BISEDO ME JEZUSIN GJATË LUTJES NË ÇDO KOHË — 32



Falendero Jezusin për të gjitha të mirat në jetë. Lëvdoje Atë për gjërat që ka bërë për ju dhe për shpëtimin e shpirtit tuaj. Lutju për çdo nevojë që ke. Lutju në emër të Jezusit.

...Nëse kërkojmë diçka sipas vullnetit të tij, ai na e plotëson. —1 Gjonit 5:14

"...Çdo gjë që t'i kërkoni Atit në emrin tim, ai do t'ju japë". —Gjoni 16:23

...Lutuni për njëri-tjetrin.... —Jakob 5:16

"...Lutuni për ata që ju keqtrajtojnë dhe ju përndjekin". —Mateu 5:44

NJË LUTJE QË JEZUSI UA MËSOI DISHEPUJVE TË TIJ — 33

(Dishepull është një person që ndjek rrugën e Jezusit.)

Jezusi i tha dishepujve të tij të luten në këtë mënyrë:

"Ati ynë që je në qiej, u shenjtëroftë emri Yt. Ardhtë mbretëria jote. U bëftë vullneti yt në tokë si në qiell. Bukën tonë të përditshme na e jep sot. Dhe na i fal fajet tona, ashtu siç ua falim ne fajtorëve tanë. Dhe mos lejo të biem në tundim, por na çliro nga i ligu, sepse jotja është mbretëria dhe fuqia dhe lavdia përjetë. Amen". —Mateu 6:9-13

Kjo lutje duhet të mësohet përmendësh. Besimtarët shpesh e thonë këtë lutje së bashku me zë të lartë.

DHJETË URDHËRIMET E ZOTIT NA — 34, 35

MËSOJNË SE SI TË JETOJMË

(Eksodi 20)

Kater të parat janë rreth dashurisë sonë për Zotin

1. "Nuk do të kesh perëndi të tjerë para Meje".
2. "Nuk do të bësh skulpturë ose shëmbëlltyrë të asnjë gjëje.... Nuk do të përkulesh para tyre dhe as do t'i shërbesh".
3. "Nuk do ta përdorësh emrin e Zotit, të Perëndisë tënd, kot".
4. "Mbaje mend ditën e shtunë për ta shenjtëruar".

Gjashtë të fundit janë rreth dashurisë për njeriun

5. "Do të nderosh atin tënd dhe nënën tënde".
6. "Nuk do të vrasësh".
7. "Nuk do të shkelësh besnikërinë bashkëshortore".
8. "Nuk do të vjedhësh".
9. "Nuk do të bësh dëshmi të rreme kundër të afërmit tënd".
10. "Nuk do të dëshirosh... asgjë tjetër që është e të afërmit tënd".

BINDJA NDAJ ZOTIT SJELL PËRGJIGJET E LUTJEVE TONA Dhe ç'të kërkojmë, e marrim nga Ai, sepse zbatojmë urdhërimet e Tij dhe bëjmë gjërat që janë të pëlqyera prej Tij. —1 Gjonit 3:22

DY URDHËRIMET MË TË MËDHA — 36

Dashuria për Zotin

1. Jezusi i tha: ""Duaje Zotin, Perëndinë tënde me gjithë zemrën tënde, me gjithë shpirtin tënd dhe me gjithë mendjen tënde". Ky është urdhërimi i parë dhe i madhi". —Mateu 22:37, 38



Dashuria për njeriun

2. "Dhe i dyti, i ngjashëm me këtë, është: "Duaje të afërmin tënd porsivetveten"". —Mateu 22:39

Të dhjetë urdhërimet (faqe 34 dhe 35) janë të përfshira në Dy Urdhërimet Më Të Mëdha.

DASHURIA

DASHURIA ËSHTË MË E MADHE SE ÇDO GJË — 37, 38

Kapitulli i dashurisë së madhe.

(1 Korintasve 13:1-8, 13)

1Po të flisja gjuhët e njerëzve dhe të engjëjve, dhe të mos kisha dashuri, do të bëhesha si një bronx që kumbon ose si cimballi që tingëllon. 2Edhe sikur të kisha dhuntinë e profecisë, edhe të dija të gjitha misteret dhe mbarë shkencën dhe të kisha gjithë besimin sa të luaja nga vendi malet, por të mos kisha dashuri, nuk jam asgjë. 3Edhe sikur të ndaja gjithë pasuritë e mia për të ushqyer të varfërit dhe ta jepja trupin tim që të digjej, e të mos kisha dashuri, nuk do të më vlente asgjë! 4Dashuria është e durueshme; plot mirësi; dashuria nuk ka smirë, nuk vë në dukje, nuk krekoset, 5nuk sillet në mënyrë të pahijshme, nuk kërkon të sajat, nuk pezmatohet, nuk dyshon për keq; 6nuk gëzohet për padrejtësinë, por gëzohet me të vërtetën, 7i duron të gjitha, i beson të gjitha, i shpreson të gjitha, i mban çdo gjë. 8Dashuria nuk ligshohet kurrë; por profecitë shfuqizohen, gjuhët pushojnë dhe njohuria do të shfuqizohen. 13Tani, pra, këto tri gjëra mbeten: besimi, shpresa dhe dashuria; por më e madhja nga këto është dashuria.

ZOTI ËSHTË DASHURIA

...Perëndia është dashuri; dhe ai që qëndron në dashuri, qëndron në Perëndinë dhe Perëndia në të. 1 Gjonit 4:16





(në shtëpi, shkollë, kishë e kudo)

Jezusi tha: "Shko në shtëpinë tënde, te të tutë dhe u trego atyre çfarë gjërash të mëdha bëri Zoti dhe si pati mëshirë për ty". —Marku 5:19

SI TA NJIHNI NJË FËMIJË TË VËRTETË TË PERËNDISË — 40, 41

"Ju, pra, do t'i njihni profetët nga frytet e tyre". —Mateu 7:20

Por fryti i Frymës është: dashuria, gëzimi, paqja, durimi, mirëdashja, mirësia, besimi, zemërbutësia, vetëkontrolli. —Galatasve 5:22

NJË FËMIJË I VËRTETË I ZOTIT I FAL TË TJERËT

"Sepse në qoftë se ju ua falni njerëzve gabimet e tyre, Ati juaj qiellor do t'jua falë edhe juve". —Mateu 6:14-17

GJËRAT QË ZOTI URREN

Sytë krenarë, gjuha gënjeshtarë, duart që derdhen gjak të pafajshëm, zemra që kurdis plane të këqija, këmbët që turren shpejt drejt së keqes, dëshmitari i rremë që thotë gënjeshtër dhe ai që shtie grindje midis vëllezërve. —Fjalët e urta 6:17-19

VEPRAT E NATYRËS MËKATARE:



...Kurorëshkelja, kurvëria,... idhujtaria, magjia, armiqësimi,... mëritë, zënkat,...smira, vrasjet, të dehurit, dhe gjëra të ngjashme me këto,... ata që i bëjnë këto gjëra nuk do të trashëgojnë mbretërinë e Perëndisë. —Galatasve 5:19-21

...As homoseksualët, as vjedhësit, ...e as fajdexhinjtë.... —1 Korintasve 6:9-10

LE T'JU MBUSHË JEZUSI ME SHPIRTIN E TIJ DHE T'JU PASTROJË

Dhe të tillë ishit disa nga ju; por u latë, por u shenjtëruat,...në emër të Zotit Jezus dhe me anë të Frymës së Perëndisë tonë. —1 Korintasve 6:11



FERRI ËSHTË VEND I VËRTETË — 42

(Lexo Luka 16:19-26.)

Sigurohuni që ju i besoni Jezu Krishtit. Ai do t'jua verë emrin tuaj në Librin e tij të Jetës.

Dhe, nëse ndokush nuk u gjet i shkruar në Librin e Jetës, u flak në liqenin e zjarrit. —Zbulesa 20:15

JEZUSI ËSHTË RRUGA E VETME PER TEK PERENDIA — 43

...Perëndia na dha jetën e përjetshme dhe kjo jetë është në Birin e Tij. —1 Gjonit 5:11

Sepse paga e mëkatit është vdekja, por dhuntia e Perëndisë është jeta e përjetshme në Jezu Krishtin, Zotin tonë. —Romakëve 6:23

"Kush beson në Birin ka jetë të përjetshme, kurse kush nuk i bindet Birit nuk do të shohë jetë, por zemërimi i Perëndisë qëndron mbi të". —Gjoni 3:36

Jezusi i tha: "Unë jam udha, e vërteta dhe jeta; askush nuk vjen tek Ati përveçse nëpërmjet meje". —Gjoni 14:6



PARAJSA ËSHTË NJË VEND I VËRTETË — 44

Në vizionin e tij tek Zbulesa 21, Gjonit iu shfaq një parajsë e re e një tokë e re. "Dhe Perëndia do të thajë çdo lot nga sytë e tyre; dhe vdekja nuk do të jetë më; as brengë, as klithma, as mundim, sepse gjërat e mëparshme shkuan". Dhe ai që rrinte mbi fron tha: "Ja, unë i bëj të gjitha gjërat të reja".... —Zbulesa 21:4, 5

Gjoni pa edhe qytetin e shenjtë, Jeruzalemin e ri, që zbriste nga qielli prej Perëndisë. ...Qyteti ishte prej ari të kulluar, i ngjashëm me kristal transparent. Themelet e murit të qytetit ishin stolisur me gjithfarë gurësh të çmuar.... —Zbulesa 21:18, 19

JEZUSI KA SHKUAR TË PËRGATISË NJË SHTËPI — 45 PËR TË GJITHË ATA QË I BESOJNË ATIJ

"Zemra juaj mos u tronditë; besoni në Perëndi dhe besoni edhe në mua! Në shtëpinë e Atit tim ka shumë banesa; përndryshe do t'ju thoja. Unë po shkoj t'ju përgatis një vend. Dhe kur të shkoj e t'ju përgatis vendin, do të kthehem dhe do t'ju marr pranë meje, që aty ku jam unë, të jeni edhe ju". —Gjoni 14:1-3

TREGOJUA KËTË LAJM TË MIRË TË TJERËVE

Jezusi tha: "Dilni në mbarë botën dhe i predikoni ungjillin çdo krijese". —Marku 16:15

...Ai që shtie në dorë shpirtërat është i urtë. —Fjalët e urta 11:30

PREMTIMET E ZOTIT PËR FËMIJËT E TIJ — 46

... "Nuk do të të lë, nuk do të të braktis". —Hebrenjve 13:5



Sepse ai do të urdhërojë Engjëjt e tij të të ruajnë në të gjitha rrugët e tua.
—Psalmeve 91:11

"...Askush nuk mund t'i rrëmbejë nga dora e Atit tim". —Gjoni 10:29

"...Unë jam me ju gjithë ditët, deri në mbarim të botës". —Mateu 28:20

"Mos ki frikë nga ato për të cilat do të vuash;...Ji besnik deri në vdekje dhe unë do të të jap kurorën e jetës". —Zbulesa 2:10

"M'u drejto dhe unë do të të përgjigjem..." —Jeremia 33:3

JEZUSI PO VJEN PËRSËRI — 47



Çdo njeri do të ringjallet nga vdekja. "...Po vjen ora kur të gjithë ata që janë në varre do ta dëgjojnë zërin e tij dhe do të dalin prej tyre; ata që kanë bërë të mira, në ringjallje të jetës, dhe ata që kanë bërë të liga, në ringjalljen e dënimit". —Gjoni 5:28, 29

Të vdekurit në Krisht do ringjallen të parët. Pastaj ne të gjallët, që do të kemi mbetur, do të rrëmbehemi bashkë me ata mbi retë, për të dalë përpara Zotit në ajër; dhe kështu do të jemi përherë bashkë me Zotin.
—1 Thesalonikasve 4:17

"...Rrini zgjuar dhe lutuni, sepse nuk e dini kur do të jetë ai moment".

—Marku 13:33

SI DO TË VIJË JEZUSI? — 48



Ja, ai vjen me retë dhe çdo sy do ta shohë atë.... —Zbulesa 1:7

Kujdes nga krishtër të rremë e profetë të rremë. "...Në qoftë se dikush do t'ju thotë: "Ja, Krishti është këtu", ose "Është atje", mos i besoni.... Në qoftë se ju thonë: "Ja, është në shkretëtirë", mos shkoni atje: "Ja, është në dhomat e fshehta", mos u besoni".
—Mateu 24:23, 26

JEZUSI DO TË VIJË SHPEJT MBI RETË E QIELLIT

"...Të gjitha kombet e dheut...do ta shohin Birin e njeriut duke ardhur mbi retë e qiellit me fuqi dhe lavdi të madhe". —Mateu 24:30

PSALMI I BARIUT

(Psalmeve 23)

¹Zoti është bariu im, asgjë nuk do të më mungojë. ²Ai më çon në kullota me bar të njomë, më drejton pranë ujërave që të çlodhin. ³Ai ma përtërin shpirtin, më çon nëpër shtigjet e drejtësisë, nga dashuria që ka për emrin e tij. ⁴Edhe sikur të ecja në luginën e hijes së vdekjes, nuk do të kisha frikë nga asnjë e keqe, sepse ti je me mua; shkopi yt dhe thupra jote janë ato që më japin zemër. ⁵Ti shtron para meje tryezën në prani të armiqve të mi; ti vajos kokën time me vaj, kupa ime po derdhet. ⁶Me siguri pasuria dhe mirësi do të më shoqërojnë në gjithë ditët e jetës ime; dhe unë do të banoj në shtëpinë e Zotit ditë të gjata.

If you are interested in receiving additional Scripture booklets, write to the publisher in English at the address below or order [online](#):

World Missionary Press, Inc.
P.O. Box 120
New Paris, Indiana 46553-0120 U.S.A.

[World Missionary Press Home Page](#) | [Go to the Top of This Page](#)

4308